

marcham, curato ibidem vnam marcham, vicariis ibidem vnam marcham, fratribus in ordine Minorum Nykopie quatuor marchas, sorori mee Katerine vnum balteum argenteum, ecclesie omnium Sanctorum et curato ibidem vnam marcham. Preterea constituo et ordino fratrem meum dilectum Johannem prouisorem et proloquutorem filie mee Gierthrudis ad omnia bona mea michi a Deo collata sub racione, que sequitur, vt bona predicta, quecunque fuerint, inter predictos Johannem, fratrem meum, et Gierthrudim, filiam meam, dum eos predicta bona iure hereditario leuare contigerit, ita quod dimidia pars predictorum bonorum cuilibet predictorum debeatur, ad dominium legitimum cedere debeant iure perpetuo possidenda. In huius rei testimonium sigilla virorum discretorum domini Menichini, curati ecclesie sancti Nicholai, et Tidechini Braklæ vna cum sigillo meo presentibus sunt appensa. Scriptum anno Domini m^occc^ol^o dominica proxima ante exaltacionem sancte Crucis.

Sigillen: n. 1 (bomärke): [GO]THIKINI LAN . . ; n. 2 (andligt): s' MENICHINI SACERDOTIS; n. 3 (bomärke): s' TIDEMANNI LANGHE.

4619.

1350 Sept. 15.

Sölvesborg.

Ingeborg Nilsdotter intygar att hennes man Sten Tureson till sin broder drotseten Nils Tureson öfverlemnad sin egendom Betaby på Öland till gäldande af sin skuld, och ger sitt samtycke dertill.

L. Sparres afskr. saml. i Sv. Riksark. sign. J. 6, f. 19 v.

Omnibus presens scriptum cernentibus Ingeborg Niclissadotter in Domino salutem sempiternam. Notum facio vniuersis et per presentes recognosco euidenter, quod honestus miles dominus Steno Turesson, maritus meus dilectus bone memorie, tempore, quo ipse et frater eius dominus Nicolaus Turesson, Suecie et Scanie dapifer, et ego Stokholmis nouissime simul [3: simul] fuimus, predicto fratri suo, domino Nicolao, bona sua omnia in Betaby in Ølandia sita, cum omnibus eorum adiacenciis tradidit et dimisit pro debitis domini mei, domini Stenonis supradicti, si ipsum in trahitu et via, quam tunc temporis arripuit, ab hoc seculo migrare contigerit, releuandis et sicut ipsi domino dapifero ac aliis consanguineis domini mei prius dicti visum fieret [3: fuerit] persoluendis, retinenda et habenda, ad quod sibi consensum et beneuolenciam meam confero per presentes. In cuius recognicionis testimonium sigillum meum presentibus est appensum. Scriptum Selwessborgh anno Domini m^occc^o quinquagesimo in octaua natiuitatis beate virginis.

Ett sigill har enligt ritningen varit påsatt.

4620.

1350 Sept. 21.

Håkan Lyongason gifver i testamente till Nydala kloster sin gård i Vernamo, till sin sockenkyrka Åker och prestbordet derstädes sin del i byn Broddatorp, samt till sina fränder Erengisle Bendiktsson och Håkan samt testamentets skrivare klosterbrodern Nils hvar sin häst med mundering.

Orig. på perg. i Sv. Riksark.

Anno Domini m^occc^ol^o die beati Mathei apostoli ego Haquinus Lyongason, licet corpore debilis, compos tamen mente, attenta consideracione pensans, quod

humane condicionis fragilitas nichil stabilitatis nichilque certitudinis optinet, idcirco propono secundum aministratam desuper graciā horam mortis incertam et viam malam tenebrosi temporis de bonis michi a Deo collatis aliquibus misericordie operibus preuenire, testamentum meum condo et confero in hunc modum: primo monasterio Noueuallis, vbi locum eligo sepulture, curiam meam in Værnamo cum omnibus sibi adiacentibus confero, ecclesie mee parrochiali Akyr lego omnem partem terre, quam in opido dicto Bruddathorp possideo ad mensam sacerdotis, cognato meo Æringisloni Bændiksson do equum meum rubeum cum sella et freno, scriptori mei testamenti, fratri Nicholao do equum meum nigrum cum sella et freno, cognato meo Haquino quendam griseum equum, quem possederat frater meus Gyurdherus, confero cum sella, freno et gladio. In cuius rei geste memoriam cerciorem, quia sigillum per me non habui, sigilla discretorum virorum domini Johannis, prepositi in Værnamoo, necnon et Nicholui [o: -lai] Hakonason petiui presentibus affigenda. Datum anno et die supradictis.

Sigillen borta.

4621.

1350 Sept. 23.

Lund.

Ärkebiskop Pter i Lund intygar att kaniken i Lund Benekin gifvit 3 gårdar i Benstorp och en gård i Lund i S. Magni socken till Lunds domkyrkas byggnad, att tillfalla densamma efter hans död och med afdrag af 4 mark nya skånska penningar åt dem, som tienstgöra vid firandet af hans årstag.
Orig. på perg. i Sv. Riksark.

Omnibus presens scriptum cernentibus Petrus, Dei gracia Lundensis archiepiscopus, Swecie primas, salutem in Domino. Nouerint vniuersi, quod anno Domini millesimo ccc^o quinquagesimo crastino beatorum Mauricii et sociorum eius Lundis in capella nostra personaliter constitutus vir, anime sue prouidus, dominus Benechinus de Aos, canonicus noster Lundensis dilectus, omnia bona sua in Benstorp sita, videlicet tres curias, in quarum vna residet Tuko Aughæson, soluens pro censu dimidiam marcham annone, in secunda curia residet Petrus Røth, soluens pro censu duas oras annone, in tertia curia residet quidam colonus Olauus nomine, soluens nunc pro censu dimidiam marcham denariorum, et vnam curiam suam Lundis in parochia beati Magni, soluentem singulis annis tres marchas denariorum, ad fabricam nostre Lundensis ecclesie sub modo infrascripto donauit, assignauit et scotauit jure perpetuo possidendas, vsufructu et ordinacione libera bonorum predictorum, quoad uixerit, sibi reseruatis, ita quod de fructibus dictorum bonorum procuratores fabrice predictæ, quicumque pro tempore fuerint, post mortem dicti domini Benechini quatuor marchas denariorum nouorum Scaniensium singulis annis in die anniuersarii sui in choro Lundensi, vt infra patet, deducere et erogare teneantur, videlicet canonicis, qui vigiliis et misse ipso die interfuerint, decem oras denariorum, vicariis dimidiam marcham, pulsantibus in turri duas oras, presbitero vicario in cripta duas oras, fratribus predicatoribus Lundis duas oras, fratribus minoribus ibidem duas oras, infirmis in domo leprosorū prope Lundas ad pitanciam dimidiam marcham, pauperibus scolaribus et aliis egenis sex oras denariorum. Residuū autem de fructibus supradictis cedat fabrice